

در سعادتده باب عالی جاده سنده
اداره مخصوصه
محل اداره:

مسائل فقیر

۱۳۲۶

مسائل فقیر موافق آثار جدید مع المنهجیه
قبول اولنور
درج ابدلین آثار اعاده اولنور

دین، فلسفه، ادبیات، حقوق - علوم دین باحث هفته لقا رساله در

مؤسسه ملی : احوال زین العابدین - ح . اشرف ادیب

سنه لکی	القی آیانی	درسه دنده
۶۰	۲۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمر ۳۲۴

در سعادتده نسخه سی ۵۰ پاره در

قبول دن مقوا بورو ایله کوندریلیسه سنوی
۲۰ فروش فضله آلنیر

در سعادتده بوسته ایله کوندریلیسه ولایات بدلی اخذ اولنور.

خلقت اولامشده شو آهنگدار، شو محکم ابداع باصره پیرایه جلوه زار اولمش ؟

ایشته مادیونه بوسؤاللر ایراد اولنجه جان آلهجی طمارلرینه باصلدیغنی آکلارلر ؛ لکن ینه صیقیلمایهرق دیرلرکه : بونلرک کافهسی قانون انتخاب طبیعی سایهسندده حصول بولمشر انتخاب طبیعی قانونی نه ایش دییه جکسکز اوله می ؟ ها ! انتخاب طبیعی شودرکه طبیعت دائمی برترقیه سوق اولنمشر ؛ اینی سچهرک آلمایه ، کوتوی برافایه میالدر . بونک ایچون دائما کاملدن اکله میل واکا طوغرو سیر ایدر

ایهاالعقلاء ، هیچ بوهدیانلر جواب دییه قبول اولنورمی ؟ سزه شمندوفر نه ایچون یوروپور ؟ دین آدمه اوٹ زیرا یورومیه ، اووالری قطع ایتمیه میالدرده اونک ایچون ، جوابی ویره بیلیرمیسکز ؟ حقیقتدن بحث ایتمک صدندن بولنان برعاقلدن بویله بر جوابک صدوری قابلمیدر ؟ لکن بزاونلره طبیعتی بویله برقیه ، تکمله ، اجزای کائنات آره سندن دائما افضل واصلی انتخابه سوق ایدن سائق ندر ؟ دییه صورارسهق بزمله یکزبان اوله رقی ایشته اوسائق بوتون اشیا اوزرنده کیف مایشاء اجرای تصرف ایدن ، بوتون اشیا اوزرنده حکمی یورودن ، بوتون اشیایی محیط اولان ید قدرت آلله در دییه جکلرمی ؟ طبیعتک بوانسیاقی ، طریق تکملده کی بوترقیسی بوتون اکوان اوزرنده حائر تصرف اولوب اونلری علم و حکمت ازلیسی اقتضاسنجه سوق واداره ایدن بر آله مطلقک وجودینه جرحی ناقابل بر دلیل حسی ، بر برهان مشهود اولمازمی ؟

قانون انتخاب طبیعی مادیونک اک مشکل زمانلرده التجایستدکلی کریز کاهلریدرکه بونکده وجود خالق ذوالجلالی استدلال ایچون اک واضح بر دلیل اولدیغنی آکلاشیلدی . مادیوندن برینی یاقه لارده مناظرده بونقطهیه کتیررسه کز باقارسکز حریفک بتی ، بکزی اوچمش ، قوای عقلیه سی تارمار اولمش ، غایت مشکل بر موقع ملزمیتده بریشان بر حالده قالمش سزه زیرافت ایله ستوفتک شو سوزلرینی تکرار ایدیور : « اوحالده نهدن بوقوه خالقه اسمنی آتشین حروف ایله سمایه یازمدی ؟ »

باقیکز شو فیلسوفلرک ، تربیه لرینک ، ذکالرینک پارلاقلغه ، سرد ایستدکلی شهاک درجه اهمیتته ، باقیکزده عبرت الیکز ؛ یارب ، یول سنک یولکدن باشقه سی دکلدر ؛ بزى طاقتمزک فوقنده اولان بوکی سفیل هدیاندردن صیانت ایت . لکن بو آدملر ، غایت مصنع برکوشک کوروبده اونک هیچ برصانک اراده واختیاری لاحق اولمقسنزین کندی کنسینه قورولیویردیکنه ذاهب اولان شاشقینه نه قدرده بکزیورلر ! شمدی بویله برده باده بولنان حریفه اعتراض اولنسه ، سوزی استخفاف ایدلسه هیچ اوتانماز ، بلکه یوزسز بر آبدالك یابه جنی کی یاغاره یه باشلایهرق دیرکه : اکر بوکوشکک دیدیککز کی بریاچیسى اولسه یدی البته طواننه قدیللرله اسمنی یازاردی

کتاب اللهی مواجهه استاذده از بردن تلاوت ایلدیکمز اثنا دوقف ایستدیکمز محللرده کی سجاوندک نوعی علی الاکثر صورارایدی . مابعدی وار برکت زاده : اسماعیل صفی

حدیث فکر

مادیونک شهاکیله آنلرک بطلانی

مع مافیه بز بونلرک هپسنى برافه لمده بلااستنا هرقلی اشغال ایدن ، هر خاطره خطور ایدن شومهم سؤاللره جواب ویرملرینی کندیلرندن رجاده بولنلم :

عجا حد ذاتنده سامعه دن ، باصره دن نصیبی اولیان ماده نصل اولدی ده شو کائنات بدیی ، شو وجود معظمی اشکال وکیفایتنده کورولن اونامتناهی تباینیه ، تنوعیه ابداعه قادر اولدی ؟ کوزیمزله کورویورزکه ماده بر طاقم احکام وقوانینه منقاد اولمشده اونلر واسطه سیله منطقی نسبتلر ، معتدل حدودلر دائره سنده تشکلاته مظهر اولمقده در . پک اعلاه نصل تصور اولنه بیلیرکه ادراک وتعلقل نعمتدن محروم اولان برشی کندیلکندن فالقسونده عقول بشری مبهوت ایدم جک صورتده برغایه کاله طوغرو ایلرولسون کیتسون ؟ نصل اولورکه عقل وادراکدن عاری اولان ماده انسان کی عقل وادراک خصائصندن متمتع بر عالم ، بر نسخه کبری وجوده کتیرسون ؟ نصل اولورکه ماده حکمتک معناسنی بیلمز ، اونی حس ایتمزایکن حکیمانه برطاقم قوانین ایله اجرای حکم ایتسون ؟ نصل اولورکه ماده نظامک نه اولدیغندن خبردار دکل ایکن تکوین ایتدیکی مکونات آره سنده بویله بر آهنگ ، بویله بر نظام حکمفرما اولسون ؟

زیرا بزکوزیمزله کورویورزکه جماداتدن نباتاته ، حیواناته ، انسانه وارنجهیه قدر بوموالید اربعة کائناتک هربری حس اولنور برترقیده همده سویه تصور دن پک یوکسک بولنان برغایه کاله طوغرو علی الدوام ترقیده در . نصل اولورده غیر مدرک اولان ماده عمیا کندیلکندن بویله برسبیل برقی تعقیب ایدر طورور ؟ نصل اولورده طومقندن ، اکلامقندن معری بولنان ماده نباتات ، حیوانات جمادات عالمرنده بوقدر مبدعات یارادیر ؛ صوکره اونلرک هر برینه محتاج اولدیغنی وسائط حیاتی حفظ نوعی ، اسباب بقای ، وسائل ارتقای افاضه ایدر ؟ نصل اولورده بصیرتن ، حیاتدن نصیبی اولیان ماده انسانده و حیوانده کندیلرینی محیط اولان اشیایی تمیز ایدم بیلیمک ایچون اک بدیع برتریب ، اک مکمل بر نظام ایله بوقدر مدققانه ، بوقدر ماهرانه حواس ابداعه ظفر یاب اوله بیلیر ؟ نصل اولیورکه بو حواس ، بواجهزه ، بوتون بواجزای بدن افکاره طور غولقل ویره جک بر ترکیب اکمل ایله ترکیب ایدیورده ایچلرندن هیچ بری وظیفه دن خالی بولونمور ؛ قرینی اولدیغنی جزئک آهنگنی خللدار ایتیمور ؟ نهدن بو عالم طبیعت هول انکیز بر خلیسطه

امان یاربی اگر فلسفه‌نک غایتی بواپس انسانک تصویریه حیوانککی آره‌سند نه‌قدر مقارنت وارمش !

بزم ایچون آرتق بو نقطه‌ده طورمق ایجاب ایدردی . زیرا الحادک بلنی قیردق ؛ دوکومنی چوزدک . لکن بخدمه تفنن اولمق اوزره اولامادیونک کائنات ارضیه‌نک اصللری حقنده‌کی نظریه‌لرینی ، صوکرده‌ده عالمک صانعسز یارادلش اولمسنه دائر فرضیه‌لرینی سرد ایلیه‌جکز . تاکه حاله مطلع اولانلر بو مفرط آدملرک ایلری سور - دکلری فرضیات - شبهه‌سز حقلرنده برجزای الهی اولمق اوزره - سخافت فکرک ، ضعف عقلک هانکی درک‌سه‌قدر اینیور، کورسونلر . جمادات ، نباتات ، حیواناتدن عبارت اولان موالید ثلثه طبیعت بر مدت امله نگاه ایله بو اوج عالمک هربری اوزرندن عالمانه اسرار فکر ایدرسه‌کز ؛ محتوی اولدقلری شخصیتلرک صور کونا کوننده‌کی بدایه ، اشکال وانواعنده‌کی اختلافه ، اجزای فردیه‌لرینک ترکیبده‌کی سرائر دقیقه‌یه واقف اولورسه‌کز ؛ صوکرده‌ده بونلرک مؤثرات وعوامل طبیعتیه سایه‌سند نهصل تگون ایده‌بیله‌جکنی بیلیمک ایچون کندیگزمده بر آرزو طویارسه‌کز حضرات مادیونه صوریگزم .. باقیگزم سزه نه‌یقینی خبرلر ویره‌جکلردر ! اوت آله‌جفک معلومات اوزرینه اوقدر کوله‌جکسکز که تبسمه‌ا کتفا ایده‌میه‌رک قهقهه‌یه‌باشلایه‌جقسکز .. آه‌ا کر علم‌ه‌پ بویه‌کوکل اکلندیره‌جک طرزده‌اوله‌ایمش نه‌قدرای اوله‌جقمش ... باقیگزم مادیون سزه نه‌دیه‌جک :

بسیط بر هجرده‌دن طوتکزمده ابداع تکوینک غایتی اولان انسانه وارنجه‌یه‌قدر بوتون کائنات آره‌سند کورمکه اولدیغمز بو اختلاف عظیم ایضاحی کوچ بر شی اولدینی کی اوزون اوزادی‌یه کلفتی‌ده ایجاب ایتمز . [انسانی مطالعه‌ده دائمافکرلرینی یالکزم نباتات وحیواناته سوق ایتملرینی قارئین کرامدن رجا ایدرز .] زیرا بو اختلاف باشقه بر سیدن دکل انحق مکان ایله اومکانه تسلط ایدن مؤثرات وعوامل طبیعتک تأثیرندن حاصل اولمشدر . مثلاً ظرافیه‌یه باقدیگزم زه‌ان بونلک اوزونلغندن متعجب اولورسکز . حال بوکه بو فوق‌العاده‌ک شوندن نشئت ایدیور : بو نوعک اک اولکی انالرینک بونلری طوغوردقلری یرده تغذی‌ایچون اغاج یاپراقلرندن باشقه برشی‌یوقش . اویاپراقلرده یوکسک اغاجلرک یوقاریکی داللرنده ایمش . ایشته بو بیچاره حیوانچقلر آچلقدن ییزار قالدقه بویونلرینی اویاپراقاره طوغرو اوزاتمایه مجبور اولورلر ایمش . بناء‌علیه بویونلری الجای ضرورتله تدریجی تدریجی اوزایه‌رق بوکون کوردیکمز طولی بولش . دیمک که طبیعت ظرافیه بو اوزون بوینی بالاختیار ویرمه‌مش .. بلکه ادامه‌ حیات ایچون ضرورت اونک بوینی اوزاتمش . بو بیتدی . قوشلرک قنادلری نظر حیرتکزی جلب ایدر ، اوزرلرنده‌کی نقوش والوان خوشکزه کیدرده طیوری هوالره حاکم ایدن اوآلاتک صناعته‌کی ایجه‌لکه مجلوب اولورسه‌کز بونک‌ده تأویلی کوچ برشی دکلدر : ظرافه حقنده سویلیدیگمز کی بونک ایچون‌ده دیرزکه قناد قوشه اوچسون دیه ویرلیدی ؛ بلکه قوش قناده مالک اولدینی ایچون

اوجدی . ای اما بوقنادلر نره‌دن کلدی دیه‌جک اولورسه‌کز اوزمان‌ده دیرلرکه طیورک ایلک نوعلری سیر وحرکته یوقاری‌یه طوغرو صجرامقله باشلامشلر ؛ صوکره آره‌دن ملیونلرجه سنه کچجه بو قنادلر کندیگکندن پیدا اولش .. آرتق اوچمشلر .

ای قاره عرفانسیمز، کوروپورسک یا ، بو سخیف رایلر، بو جزافات آلود ملاحظه‌لر قاراکلق برر قهوه کوشه‌لرینه چکیلوب‌ده اسرار چکنلرک قوردقلری خیالاته بکزمه‌میورمی ؛ اکر طریطیل ایله فیلک ، طاووق ایله آتک شکلری آره‌سند کی اختلافی بزه بونظریه‌لر تفسیر ایده‌جک ایسه های‌علمک طوپراق باشنه ؛ اوزمان آرتق علوم وفتون ایله مشغول اولانلر ایچون واجب اولان حرکت کتبخانه‌لرینی آتسه ویروب دومانلرینی هوایه صاووردقدن صوکره پنجره‌نک اوکنه‌کچهرک، غنان خیالاتی آله‌بیلدیگنه‌قویورمک بو‌عالمده‌کی ابداع‌دهشت فرمائی کندی عقل قاصرینه، کندی فکر ضعیفه‌کوره‌تأویل وتفسیره‌یلتتمکدر هیات ! ایله دکل «ما اشهدتهم خلق السموات والارض ولاخلق انفسهم وما کنت متخذ المضلین عضداً» .

ایچنده بولوندیغمز اون طقوزنجی عصرک واسطنده انواع مخلوقاتک اصللری حقنده ایکی نظریه ظهور ایتدی . بز اونلری اکلنجه قیلندن اوله‌رق خلاصه بوراده ذکر ایده‌جکزه افکار مادیونک - جزای الهی اوله‌رق - هانکی درکه سخافته قدر دوشدیک عموماً ناس نظرنده تعین ایتسون .

بوآدملر بز طرفدن بردام ضلال و غلطه دوشمه‌مک ایچون موجودیتی حواس ایله ثابت اولیان شیلره اعتقاد ضعفندن قطعاً متعالی‌یز ؛ حقنده دلیل حسی قائم اولیان ظنون وفرضیاتی‌ده قبولدن کلیاً وارسته‌یز، دییه یلان یره ، حقسزیره قورولوب طورورکن برده باقارسکز که دیگر طرفدن موجوداتک بر صانع موجد اولقسزین یارادلماسنه اسباب سرد ایده‌جکلری زمان آزاجق عقلی اولانلرک اصلاً قبول ایده‌میه‌جکی درجه‌ده غریب ، اوقدر مضحک بر طاقم سفسطه‌لردن ، تکلفلردن استمداده قالدیشیلر . (والله غالب علی امره) .

م‌بمدی وار محمد فرید وجدی
مترجمی : محمد عاکف

مَوْلِیْ عِظَمَاءُ

محرری مناستری اسماعیل حق
ح . اشرف ادیب
۵۴ درس - ۲۲ کانون ثانی سنه ۱۳۲۴

میل عظیم ایله میل نه‌در ؛ بالکلیه شریعت دائره‌سندن چیقماق . ته‌قدر کوزل خویلووارسه غائب ایتک، دشمنلر طرفه میل ایتک ... نه‌در بو؛ دشمنلرک منفعتیه ایش کورمک ، اونلرک تهیه ایلدیکی فساده قایلیمق، درلو درلو قته‌لروماحی سلامت اولان حاللری ترویج ایتک ... بونی دشمنلرکز دائماً سورلر . کرک خارجه‌کیلر، کرک ایچمزمده‌کیلر.